

# DISCURS PREDIG

Discurs predig:

2

## Siben newer Jar schanck ungen: auff das 1617. Jar:

Nemblich:

Der siben Hochwürdigen H. Sacrament/ als  
des Tausſs/ Firmung/ Beicht/ Fronleichnam/  
priesterweich/ letzte Gelung/ vñ Ehe/ welche  
der Königliche prophet David in seinem 22.  
psalmen/ auf eingebung Gottes H. Geiſts/  
klärlich in der zal siben andeutet vnd beschri-  
ben hat/ zuvor nie in truct außgangen.

Opera & studio Bartholomaei V Wagneri Auguft.



2

DISCURS PREDIGK

Discurs Predig:

# Siben newer Jar schanck ungen: auff das 1617. Jar:

Itemlich:

Der siben Hochwürdigen H. Sacrament/ als  
des Tauffs/ Firmung/ Beicht/ Fronleichnam/  
priesterweich/ letzte Gelung/ vñ Ehe/ welche  
der Königliche prophet David in seinem 22.  
psalmen/ auf eingebung Gottes H. Geists/  
klärlich in der zal siben andeutet vnd beschri-  
ben hat/ zuvor nie in truck aufgängen.

Operā & studiō Bartholomæi VVagneri August.





Dem Hochwürdigen inn  
Gott Vattern vnd Herren:  
herin Johanni desz vralten weitbe-  
rumbten Gottshauß Ursperg Abba-  
ti, Visitatori Ordinis, vnd Patri  
domus, meinen Genedigen  
Herren.

**N** dem Glauben  
der lieben Apostel/  
welcher in 12. Haupt-  
articul einuerleibt/ Hochwürdi-  
ger Genediger Herr/ die wir mit  
dem herzen glauben/vn mit dem  
mund bekennen: Ist vnder an-  
dern auch diser einer/ (welcher  
dem H. Apostel Mattheo zuge-  
schrieben/vn auß sein aussag von  
allen andern Apostilen appro-  
biert gut geheissen/vnd nachma-  
len biß auß die stund promul-  
**A** ij giert

giert worden ) also lautende  
Ich glaub ein heilige allgemeine Kirchen. Darumben heilig / die weil sie nit allein von Christo ihrem haupt vnd Bräutigam den sie durch den glauben vñ H Sacrament vermehlet vnd gehiligt / sondern auch vom H Geist ewig regiert wirt. Catholisch oder allgemein darumben dann sie in der ganzē Welt aufz gebreitet / vnd alle Christglaubigen / zu allen zeiten / von einem seculo in das ander begreifst vnd einschleust.

Under andern heiligen sachen so in der streitbarn Kirchen hauff Erden augenscheinlich gefunden / vñ von der Kirchen admistriert werden / seind di alle

aller furnembsten / die siben H.  
Sacrament so von dem König-  
lichen Propheten David / in sei-  
nem 22. Psalmen in der zalsiben  
präfiguriert, vnd von Christo  
selbst in dem newen Testament  
in der zalsiben instituiert vnd  
eingesetzt worden.

Wann dann die H. Sacra-  
ment / vom Propheten David  
in der figur / vnd von Christo in  
der warheit / mit der gebenedey-  
ten vnd geheilgten zalsiben wer-  
den ausgesprochen / oder in der  
zalsiben Sacrament / nit mehr  
noch minder sein / vnd diß einges-  
hendt Jar / auch die sibendt zal  
mit bringt / da man zelt Tausent  
sechshundert vñ sibenzehn Jar /  
hab ich zur Newen Jar schanck-

A iij ung/

ung/am aller würdigsten geachtet/die H. siben Sacrament in etlichen Standt aufzuthesen/ vnd von solchen was wenigs discuriern. Das aber ewre G. Ich solche newe Jar schankung vnderthenig dedicier/vnd zu einer genedigen Patronen erkoren/geben mir vrsach etliche schöne æncomia vnd namen beider H.H. Johannis Baptista/vn Ioannis Euangelista/ deren H.H. namen/ auch mit der gebenedachten zal/ mit siben buchstaben geschrieben werde als IOANNES.

Siben  
vrsachen  
der dedi-  
cation.

Vnd das ich ein anfang mache/ mit Johanne dem Gortstauffer/ ist also mit gnaden begabt worden/weil er gewist/ was in der welt ist/hat er gleich solche

in

in dem fünften Jar geflohen/  
vnd in die wüste gangen: das E.  
G. in der Jugend ist eintreten in  
die Religion / in den loblichen  
Prämonstratenser Ordē (des  
sen Stiffter S. Northbertus ein  
nachfolger S. Johannis Gotts-  
tauffer) was ist es anderst? als  
die Welt fliehen / vnd derselben  
vrlaub geben. Johannes Ba-  
ptista der sein meiste zeit in der  
wüsten zubracht/vnd ein Typus  
des Religionszstandt/ vnd ein  
Abbas aller Klosterpersonen ist:  
Fürwar E. G. seind in ei melten  
Orden auch ein loblicher Abbas  
vnd Vatter eines Chr: Con-  
vents worden.

Johannes Baptista führt ein  
strenges leben/in essen/trincken/  
A uij fleye

Northber-  
tus nach-  
folger  
S. Jo-  
hannis  
Baptis-  
tae.

Kleidung / Ligerstatt darauff er  
auch seine Junger zogen / E. G.  
tringen stark auff die Regulen  
vnd Statuten des Ordens / als  
so/damit sie von andern gehalte  
vnd volzogen werden selbst inn  
exemplarischen leben vorgehn.

Matth.ii.

4. Johannes Baptista / ob er  
wol in Mutterleib geheiligt/  
mit vilen gnadē geziert non sur-  
rexit inter natos mulierum  
maior Ioanne baptista : hat  
er doch solche demuth erzeigt/sich  
nit würdig geachtet / Christi  
schuchriemen auffzulösen. E. G.  
die auch von Gott zu geistlichen  
dignitatē erhaben/ein würdi-  
ger Abbt/Prelat/pater domus  
vn Visitator Ordinis sein/wie  
de allem/wirt bey derselbē die de-  
muth

muth würcklich ad oculos demonstriert, gezeigt gespürt vnd gesehen / welches wol in einer hohen Person / ein sonderbar fleynot ist / vnd Gott so gefellig / das er dergleichen demütigen personen in dem Himmel erhöhen will.

Bon dem H. Joanne Euan-  
gelista steht geschrieben / als er vñ  
Maria vnder dem Creuß ge-  
standen / vnd Christus sie anges-  
sehen / hab er zu seiner lieben  
Mutter gesprochen / Mulier,  
ecce filius tuus. Weib sihe  
dein Sohn. Nachmahlen zum  
Junger / Ecce mater tua, Sihe Ioan.19.  
Johannes dein Mutter: Als  
ich dise recomendation Chri-  
sti am stamien desß H. Creuß  
Consideriert, hab ich dise ap-  
A v plica-

plication zu meinem proposi-  
to gemacht / das gleich / das lob-  
lich erst Kloster vnd Gottshauß  
Præmon- strat: des Ordens in Franckreich ge-  
ster in des Ordens erstes Klo nant præmonstrat, als ein  
Franck- Mutter / von welcher andere  
reich Vr. Kinder geborn werden / sage zu  
sperrg des Ordens E. G. Ecce filia tua, sihe lieber  
ältest Klo Sohn Johannes / das Gotts-  
ster in hauß Ursperg ist sezunder dein  
Teutsch- land.  
erstgeborene Tochter / das aller  
ältest Gottshauß in Teutsch-  
land / bis ihz Vatter / daher dann  
E. G. unter andern ursachen  
vom Orden genant werden / pa-  
ter domus, dern andern ursa-  
chen ich geschweigen will.

e.

Vnd wie nun der H. Joha-  
nes in derselben stund Mariam  
in sein schutz verwart: nit weni-  
ger

ger als E. G. auff anruffung  
Gottes H. Geist zum Prälaten  
vnd Abbt durch ordenliche ein-  
hellige wahl erwehlet worden/  
haben sie gleichfals in derselben  
stund sich diser Tochter vnder-  
fangen / dz würdig Gottshauß  
in die Vatterliche curam schub  
vnd schirm auffgenommen.

Leztlich lesen wir von Petro  
vnd Joanne/ das sie täglich vmb  
die neundt stund in Tempel zu-  
beten gangen: Petrus autem &  
Ioannes ascendebat in tem-  
plū ad horā orationis nonā,  
welche bendē Apostel Petrus vñ  
Joannes gewesen fleissige Visi-  
tatores templi, welchem exem-  
pel E. G. ohn vnderlass als ein  
embſiger visitator nachſetzen/  
auff

auff kein sach mehr tringen vnd  
ein aug haben/ als das alles inn  
dem Tempel in dem Chor ver-  
richtet / vnd nichts versumpt:  
vnd für das ander in dem vber-  
gebne Kloster souil möglich recht  
gehauset werde / vñ für das dritt  
gleichfals auff dem Land/in dem  
gebiet/ Dörffer vnd Flecken/ die  
Vnderthonen dahin gehalten/  
das sie die Kirchen / alle Gotts-  
dienst fleissig besuchen/wol vnd  
für gewiß wissent / wann im  
Tempel von geistlichen vñ welt-  
lichen das Gebett von statt ge-  
he/wie es sein solle / das aller se-  
gen vnd benedeyung verhanden/  
wo nit/das contrarium zuer-  
warten/E. G. vnderthenig bit-  
tende gegenwertigen newen  
Zar/

Iar von den siben Sacramen-  
ten von mir geweszen zwar vn-  
würdigen alten Präceptore  
dicti monasterij gnedig auff  
vnd annemēn mein genediger  
Heri wie bisshero gewesen sein  
vnd verbleiben.

E. G.

Vndertheniger

Bartholomæus VVagnerus.



Nesve

Neive Jar schanckungen  
auff das 1617. Jar: Ist der 22.  
psalm Davids/ von den siben  
heiligen Sacramenten.

Dominus regit me,&c.



**E**r heri regiert (oder weidet  
mich) mir wird nichts mans-  
geln. Er hat mich gesetzt an  
ein ort da ich weid habe / vñnd hat  
mich erzogen.

Zum

1.  
Super  
A Q V A M  
refectio-  
nis.

Zum ersten / der Tauff in den  
worten : an dem Wasser der  
erquickung.

1.  
Tauff.

2.  
Animam  
meam  
CONVER-  
TIT.

Zum andern / die Buß in  
den worten : Mein Seel  
hat er bekehret. Er hat mich  
geföhrt auff den strassen der  
gerechtigkeit.

2.  
Bueß.

3.  
Propter  
No MEN  
suum.

Zum dritten / die letzte Ge-  
lung / in den worten : vmb ses-  
nes Clammens willen. Und 3.  
ob ich schon wandlet mitten  
im schatten des todts / fürcht  
ich kein vnglück / dann  
du bist bey mir / dein ruetten  
vnd stab trösten mich.

3.  
Letzte  
Gelung.

4.  
Parasti  
MENSAM.

Zum vierdten der zarte 4.  
Fronleichnam Christi in disen Zarte  
worten : Du bereitest vor mir Fron-  
ein Tisch / wider die mich plaz  
leichnam  
gen.

5.  
In O L E O  
caput me-  
um.

Zum fünfftten / die Firmung 5.  
in den worten : Du machst sic  
mein haupe saist mit Oel. mung.

6.  
Et CALIX  
meus.

Zum sechsten / die Priester- 6.  
weyhe in den worten : Vnnd priesters  
mein Trinch geschirr / mit weich,  
dem

dem du mich wol beschenkest  
ist vberauß kostlich.

7. Zum sibenden/ die Ehe/in  
Ehe. den worten: Vnd dein Harm/  
hertzigkeit wirdt nachuol/  
gen/ alle mein lebenlang/ auff tua.  
das ich mög bleiben im hauß  
des herren lange zeit.

In diesem psalmen / will der Kös  
nigliche Prophet David anders  
nichts sagen / dann das er mit dem  
mund betenne / vnd in dem hertzen  
glaube/in dem schatten des alten Te  
staments/ siben 3. Sacrament / die  
nachmahlen Christus Iesus in dem  
newen Testament in der warheit / vñ  
in der zalsiben/ selbst werde einsetzen/  
vnd seiner Kirchen zu Administrieren  
vbergeben/wie geschehen.

Gleichs  
nuß von  
einer  
Kram.

Wann ein reicher Kramer / seine  
stattliche kram / von allerley wahren  
hat ausgelegt / die einer mag erden  
cken. Als bald verfügen sich darunder  
allerley Personen / hoch vnd niders  
stands/ auch gemeine Leut/ so gar die  
liebe Kinder kommen mit den lieben  
Eltern/ alsdann ein jede Person sicht/  
nach

nach einem dingl vnd sach vmb / so iher  
möcht tauglich sein / so gar die Kinder  
sehen / was ihen am liebsten ist /  
vnd gemeinklich vor andern Mens-  
schen die ersten sein.

Warlich des Königlichen Prophes Der 22.  
ten David 22. Psalm / kan recht vnd psalmen  
wol verglichen werden / einer geistli- David's  
chen Kraum / darinnen himlische sa- ist ein  
chen gefunden werden / sonderlich der geistliche  
abriß der siben 7. Sacramenten / das Kraum /  
hero alle Christen / wann sie für die sich alle  
Kraum kommen / den benanten Psal- stand las-  
men bedencken / sehen gleich was für sen sindē  
ein jeden tauglich ist / was iher zugehe-  
re / was für jeden Stand möcht ges-  
meß sein.

Vnd weil nun die 7. Sacrament Alle 7.  
in solchen psalmen seind abgemahlt / heilige  
als die Tauff / firmung / Buß / frons Sacra-  
leichnam / Priesterweiche / letzte Oes- ment  
lung / vnd die Ehe / sihe / von stundan seind in  
kommen die Kinder / wollen das Wes- ermelten  
sterhemddlen haben / so ihen im abge- psalmen  
Tauff angelegt worden / die ledige mahlt.  
Menschen / Jungling vnd Jungk-  
fräwen / sehen ein wolriechende Salbs-  
greissen nach der firmung / die büssend

B senden

senden nach den satzenetlen/damit sie  
ihre zäher künden abweischen. Ober-  
keiten sehen vmb nach der Mon-  
stranz/die sie begern zubeschütze. Die  
Geistlichen greissen nach dem trinc-  
geschirr/nach dem Reich/nach geist-  
liche Kleider/ so zum Gottsdienst  
ghörig. Die Rancken/weil sie nit kün-  
den vnder die Raum kommen/haben  
auch dahin ihre gedancken/von einer  
salbung/die sie von herzen wünschen  
vnd begern/dass mans ihne auch las-  
zukommen. Und die Eltern wollen  
auch das jenig haben/ so ihnen zum  
haushaben nothwendig ist.

Weil nun jetzunder ein jeder stand/  
nach dem stück griffen/ so ihmme von-  
nöthen/vnd seine Stand gemeh ist/  
willich mit den neuen Jar schank-  
ungen/kein andere austheilung ma-  
chen/sonder bey dem lassen beruhem/  
was ihmme ein jeder hat ausserwohle  
vnd erkorn.

Bey dem aber soll es nit bleiben/  
es wirdt aber dass noch was anders  
darzu erfordert/als nemlich/wann  
einer ein ding vnder der Raum hat  
erschenen/ ihmme erwöhlet/vnd eins

Lauffe

wisst/ sol bald er heim kompt / bes  
chüttigt ers/ vnd betrachtet/ was für  
ein herrlich stück es sey / hat gleich  
von stundan seine discurs/ vber sola  
ns stück/ wa es sey gemacht worden/  
wie mans soll brauchen/ fleißig auß/  
leben vnnnd bewahren. Also wöllen  
wir vns verhalten/ mit solchen new/  
en Jarischancungen / dern siben h.  
Sacramenten / die der Prophet Das  
id im Psalmen fürlegt / ein jedes h.  
Sacrament wol beschawen vnd be/  
rachten/ vnd wöllen also den anfang  
machen mit den Kindern vnnnd dern  
Geuattern.

I.

## Den Kindern vnd Geuattern das h. Sacrament der Tauff.

Super aquam refectionis collocauit me: Kindern  
loco citato: Vnnd hat mich erzogen vnd Es  
dem wasser der erquickung das h.  
Sacrament ist andeut durch das h.  
wasser.

Wann einer lange zeit eines tyran  
nen gefangner gewesen/ bey schwerer  
arbeit vbel gessen vnnnd truncken/  
vnnnd endtlich durch einen andern

C ij Herrn

Eygens-  
schafft  
eines Ty-  
rannische-  
herrn,

Herrn erledigt / der ihme neben ri-  
arbeit / g'st gute Speiß / trank /  
dung vnd lohn / der sagt vñ ged  
bey ihme selber / ach wie ist mir jetzt  
der so wol / der ich vor so einen Ty-  
rannischen Herrn gehabt / vnd jetzt  
der so einen genedigen Herrn v-  
ommen.

Wie die Kinder von Israel bey de-  
Pharaone gewesen / seind sie zu hö-  
ster arbeit antriben worden / müs-  
ten im Ziegelstadel schwere Rosarbe-  
verrichten / Stein vnd Ziegel mach-  
darneben den grösten hunger leide-  
d3 sie vnder der arbeit nit vil gesun-

Psal. 136. Quomodo cantabimus canticum Domini  
terra aliena, sonder ihre zehrer vergoss  
Super flumina babylonis illic sedimus  
fleuimus, vnd wie sie Gott einmal v-  
sie erbarmet / den Moysen geschic-  
der sie aus Egypten geführt / ist  
grosser frewd gewesen / haben Gott  
lobt / geprisen / das sie einen gnädig  
Herzen vberkommen.

Alle Menschen vor dem Tauff / sei-  
n dem gewalt des gewlichen Tyr-  
nens des Sathan / die bey ihm nich-  
ander st h aben / dann schwere arbei-

grosses ioch / seind kinder des zorns  
 und der verdamnuß. Wann sie dann  
 schmahlen zum Tauff kommen / in  
 dienst Gottes / werden Diener  
 Gottes / da sagt ein fuder getauftter /  
**E R R** regiert mich / mir wirdt  
 nichts manglen / bey solchem herzen /  
 hat mich gesetzt / an ein ort / das ist /  
 die Christlichen Kirchen / da ich  
 eyd hab / vnd hat mich erzogen an  
 dem Wasser der erquickung. Ich bin  
 taufft worden / Ach wie ist mir jes  
 under so wol / der ich bin von dem  
 satthan erledigt / auf einem Kind der  
 verdamnuß / ein Kind der Seligkeit

worden : Qui nati eramus mundo, renascimur **Würdes**  
ur cælo : Qui nati eramus serui peccati, ung **des**  
renascimur liberi iustitiae : Qui nati eramus Tauffs,  
filij iræ, filij diaboli, filij gehennæ, renascimur  
filij gratiæ, filij Dei, hæredes regni cæ-  
orum. Fürwar eingrosse würcung  
 und würdigkeit des Tauffs / den man  
 nit soll versauenen.

In der Welt geht es also zu / im  
 weltlichen vnd geistlichen Stand /  
 wann irgendt ein lucken / ein stell zu  
 hoff ledig wirdt / oder auff einem  
 hohen Stift / ein Canonicat vaciert, so

**B** iiij wöllten

wöllen die Eltern die glegenheit nit  
versaumen / für ihre Kinder interce-  
dieren/ anhalten / so lang vnruhwig  
sein/biſſ sie zu ſolcher dignität möch-  
ten geraichen/wieui mehr / weil der  
Tauff die Kinder promouiert zum  
Himmel/zum Reich Gottes/ da ſollen  
die Eltern die glegenheit nit versau-  
men/vnd damit ich in der gleichnu-  
bleib/so bald ein ſtell iſt vacierend/in  
geiſtlichen vnd weltlichen Stand/ſo  
bald man ſagt/der iſt in Gott verſch-  
den/ der iſt geurlaubt worden/ von  
ſtundan iſt ein ſtaffeta verhanden/

**L Cor. 9.** das es heift/ omnes currunt, alle vnn-  
vilen rennen/vnd postiern/supplicier/  
halten an/vnd ein einziger bekompt  
vnn und eroßert die würdigkeit: Vnu  
accipit braium. Also/wann das Kind  
geborn/ das der Mutter iſt gezeigt/  
vñ dem Vatter das bettenbrot brache-  
worden / es fey ein Sohn oder ein

**Ioan. 16.** Tochter geborn/ quia natus est homo in  
mūdum, von ſtundan dem Tauff zwey-  
len / vnn und zu der würdigkeit brin-  
gen.

Vnn und per digreſſionem, iſt zusehen  
mit dem Tauff/ die groſſe Wahrher-  
Tauff

zigkeit Gottes / das gleich in dem <sup>1. Tim v</sup> Tauff die wort werden erfült / omnes homines vult saluos fieri, Gott will das alle Menschē Selig werden / daß weil <sup>Definitio  
Sacramen  
ti baptis</sup> Tauff ist das aller erste / vnd nothwendigste Sacrament / darinn der noui Mensch durch das Wasser vnnnd <sup>stamentum</sup> wort Gottes / von allen Sünden gesreiniget wirdt / vnd in Christo als ein newe Creatur zum ewigen leben gesborn vnnnd geheiligt wirdt.

Vnd damit niemand wurd außgeschlossen / von der Kirchen / & per consequens von dem Himmelreich / so hat Gott auch ein solche materi zum Tauff geordnet / nemlich das Wasser / damit niemand von der streitbaren vñ Triumphierenden Kirchen wurde außgeschlossen / dann einmal in der ganzen Welt des Wassers ein überflüß ist / dahero der des Tauffs nit wirdt theilhaftig / Gott nit kan anklagen / sonder dē vnsleiß <sup>d</sup> Eltern. Nit weniger was Gott heit geordnet für ein materi / dē wein zu tauff / möcht einer ein entschuldigung fürwenden:

B iiiij Aber

Aber damit alle entschuldigung wurd  
de auffgehebe / hat Gott das wasser  
geordnet / vnd darbey wöllen vnd  
scheiden die hochheit diser geistlichen  
geburt.

Dann einmal / wie die erste geburt  
des Menschen ist geseen auß der Erden / & creauit Deus hominem de limo  
terra, vnd Gott hat den Menschen  
erschaffen auß dem laim der Erden.  
Also ist die ander geistlich geburt /  
auß dem Wasser / vnd wie das wasser  
ein kostlicher vnd herrlicher Element  
ist / dann die Erden / daß es über die  
Erden ist. Also ist auch herrlicher vñ  
Edler die geburt im dem Wasser.  
**Genes. 1** Et Spiritus Domini super aquas ferebatur,  
vnd diß alles geschicht im wasser der  
erquickung / im h. Sacrament der  
Tauff.

Wolte Gott von Himmel / das die  
Kinder den Tauff wol betrachteten /  
vnd die eygenschafft der Kinder an  
ihnen behielten / wann sie solten so alt  
werden als Mathusalem / als die gern  
in dem wasserumbgehen / gern darin  
pflassen / gern baden / also das man  
ihnen muß Custodes bestellen / damit  
sie

sienit in das wasser fallen / dieweil sie  
dem wasser so gefahr sein. Also vila  
mehr / daß die getauften allezeit in de  
geistlichen wasserbad vnbgiengen /  
sich in den gemelten fluss des Tauff  
liessen finden / mit den genaden / die sie  
im Tauff empfangen mit arbeiteten:

Ja daß sie hetten die eygenschafft  
der fisch / so stets in wasserwellen seins /  
im wasser leben / vnd sonst ausser dem  
wasser müssen sterben. Also wann die  
getauften auch stehts schwimmen / in  
dem fluss der gnaden / die sie in dem  
Tauff empfangen / wurden sie leben.

Vñ weil aber die Kinder dern ding  
so gar mit capaces des Tauff verges  
sen / seind die Geuatter vnd geuatter  
rin schuldig vnd verbunden / wie auch  
am meisten / die Eltern die Kinder  
erinnern sollen / was sie im Tauff durch  
sie versprochen / das sie dem Teuffel  
vnd allem anhang abgesagt / die tag  
ihres lebens wider den Teuffel wöllen  
streiten / vnnid Gott dem Herrn hins  
füran dienen / nach seinen Gebotten  
leben.

Vie anderst als wie es zugeht inn  
dem keiblichen Krieg / das man erst

B v lich

lich die Soldaten mit namen beschreibt/ den König an vn̄ auffnimbt.  
Also zum geistlichen Krieg wider den Teuffel/ werden alle Menschen in dem Tauff an vnd auffgenommen/ den namen empfahen/ das sie wider ihn streiten/ vnd bey ihrem König Christo Jesu vnder seinem Creuzflein verbleiben wöllen/ auff solche vñ dergleichen weiss sollen die Kinder erinnert werden. Vnd zu solchem fleiß ermahnt der Th. Augustinus alle

**Susceptorum officium.**  
Männer vnd Weiber/ so die Kinder aus dem Tauff heben/ das sie gewiss dafür sollen halten/ das sie für die Kinder bey Gott bürgen sein (bürgen soll man würgen) für sie sorgfältig sein. Admoneo, fratres charissimi, qui-

**Auoustini sermone 16.**  
cunque viri, quacunque mulieres de sacro fonte filios spiritu, aliter acceperunt, agnoscant, se pro ipsis fideiuissores apud Deum extitisse, & ideo semper illis sollicitudinem verae charitatis impendant. Vnd

diss newo Jar sey geschenkt den Kindern vnd ihen Gesuattern.

2.

Den Sündern zu einem newen  
Jahr das h. Sacrament der Buß ist  
andeut durch das wortlin bekehret.  
Animam meam conuertit: Psalmus citatus.

Mein Seel hat er bekehret.

2.

**W**ann ein Statt ist hart belebt Alle sün-  
gert/von dem Feind/vnd das dern das  
man bisswellen aufselle/den h. Sa-  
crament der buß.  
Feind will abtreiden/vnd das etlich  
in dem scharnützelwerde verwundt/  
so ist alsbald verhanden ein Arzt/  
der ihnen die wunden verbindet/vnd  
dern sorg hat/bis sie widerumben ges-  
heilt werde. In d. Catholischen streits-  
barn Kirchen da ihre vil von den feins-  
den/vom Sathan/von der Welt/von  
dem fleisch werden verwundt an ihre  
Seelen/so seind auch alsbald verhan-  
den getrewe arzt/von der Catholische  
Kirchen aufgenommen/welches seind  
die geistlichen/verbinden die wunde/  
machen die Seelen widerumben ges-  
sund/durch das h. Sacrament d. buß Definitio  
Sacram-  
entum  
ti pene-  
tentiae  
alles durch ein Priester laut des h. Sa-  
craments der buß. Die buß ist ein Sa-  
crament/dardurch ein ordēlicher Prie-  
ster an Gottes stat die sünd verzeucht/

wann der Sünder im herzen rewo vnd  
leid hat / seine sünd mit dem Mund  
beichtet/ vnd ein rechte buß würcken  
will.

Die Sünder welche also geistlicher  
weiss vil wunden vñ stich empfunden  
vnd empfangen/ein lünd vber die ans  
der begangen / gleich vber die ohren  
Ein sün- darin stecken/seind gleich einem Ma-  
der ist ler/der vorhabens/ein bild zumahlen  
gleich ei- auff ein tuch / ist sein meiste arbeit/  
ne Ma. nach dem er den grund gelegt / das er  
ler der ein farb nach der andern auffstregt/  
allezeit jetzt blaw/ jetzt roth/ jetzt schwartz/  
dem bild vnd wann es zur perfection gebracht/  
gibb. erstrewdt sich darab/ stelt es für / ver-  
kaufft oder verehrt. Eben also hand-  
let ein Sünder/ so in sünden stecket/  
daß er ein Sünd nach der andern bes-  
geht/jetzt begeht er hoffart / bald den  
geitz/bald die unkeuschheit / vnd das  
noch ärger / wann er die sünd began-  
gen / erzeigt er ein frewod / wie die  
Schrifft sagt : Et exultant in rebus pes-  
touer. 2. simis, lætantur cum maleficerint, rühmet  
sich der Sünden die er volbracht/ vnd  
bey dem bleibt es auch nit/ er will das  
gemähl verehren/ verkauffen/befleist  
sich

sich / wie er einem andern die Sünd  
künde anhencen / das er ihme in der  
sünd gleich werde.

Wie künde aber solchem grossen  
Sünder geholffen werden / wo sie soll et  
sich verhalten / oder was für ein mittel  
sollt er für die hand nemmen ? Und dis  
muss durch ein gleichnuß zuuerstehen  
geben werden. Ein Bildhawer / der ~~Ein büs-~~  
~~ein bildnuß von holz / oder von einem~~ ser ist  
rauen Stein will machen / so steht sein gleich als  
ganze arbeit in dem / das er von dem ~~nem bild~~  
holz / von dem Stein nimbt / er nimbt ~~bawer,~~  
vom haupt / er nimbt von den augen / ~~der alheit~~  
von den ohren / er nimbt von beyden ~~dem bily~~  
armen vnd handen / von fingern / er  
nimbt vom ganzen Leib / er nimbt  
von füssen / von den Zehen / in  
summa was der Maler gibt / dem  
Bild / das nimbt vnd hawt der Bilds-  
hawer ein stück nach dem andern hin-  
weck / bis es kompt zu seiner volkoms-  
menheit Also muss ein Sünder thun /  
der ein Büßer will werden / muss sein  
ein geistlicher Bildhawer / der durch  
die sünd ist worden / wie ein ungeho-  
belt holz / ein baum wie in dem wald /  
wie ein Stein vnd Fels / das er vom  
haupe

haupt hinweck neime / die hoffart / d<sup>er</sup> er sich dem gehorsamb vnderwerffe / auß sich nichts halte / sich erzeige wie der h. franciscus sagt / als ein todten Menschen / man leg jn wie man wöll / so liegt er vnd muriet nichts. Also muß der Mensch die hoffart hinweck haue / demütig vnd gehorsam sein / im geringsten kein ungehorsamb / in worten / wercken / auch so gar in gedancken mit haben / von den augen muß man auch hinweck schneiden / leicht fertigesachen zuschen / vnd mit dem

Job. 31. Job sagen : pepegi fœdus cum oculis meis mit meinen augen hab ich ein pact gemacht / das ich in ewigkeit kein Weibsbild wölle ansehen / vnd das heist nachmalen / was Christus sage / wann dich dein aug ärgert / so biß ein

Mark. 13. geistlicher Bildhawer erue eum / reiß das aug auß / wirffs von dir / besser ist dir ein aug haben / vnd zum ewigen leben eingehen / als mit zweyen gesworffen werden in die verdamnuß / der Sünder muß auch etwas von den ohren hinweck nennen / wie man zuvor gern hat außgemerckt / eicle sachen /

chen / satzwerck / vnd was sein mag /  
 jetzunder die ohren das ghör geben /  
 dem wort Gottes / dem Predigen /  
 von den händen muß man auch was  
 nemmen / mit denen man das vnrechte  
 gut zusammen geragen / vnd mit das  
 theo sagen : & si quid aliquem defraudau,  
 reddo quadruplum, daß man nach der  
 lehr Christi die hand abhabe / besser  
 ist mit einer hand eingehen in Himmel /  
 als mit zweyen in die Höll fahren. Der  
 geistliche Bildhauer muß auch vom  
 Leib hinweck nemmen crapulam, die  
 fresserey / den vollen bauch / den der  
 Sünder für sein Gott ghalten / alle  
 augenblück die beste bißlen vnd kost  
 liche Wein hat aufgeopfert / offt  
 ihm den götzdienst ghalten / von ei  
 ner Malzeit zur andern / Quorum  
 venter Deus est, von den füssen muß  
 man auch was nemmen / die nun gioß  
 sen seind / zum bösen / zum Blutuer  
 gießen / das jetzunder zum dienst Got  
 tes / vnd zum hilff des nechsten lauf  
 sen / si pes tuus scandalizat te, wann dich  
 dein fuß ärgert / so harw ihn ab / durch  
 die buß besser ist es dir mit einem fuß  
 kam eingehn / zu Himmel / als mit beyde  
Luo. v.  
Philip 3.  
zuv.

zur Höllen / vnd also secht iher / wie der Sünder solle ein büsser werden. Wie er gewesen ein Maler / in dem er die sünden aufstragen / eine nach der andern begangen / das er jetzt sey ein Bildhawer / alle sünden von der Seele durch die busß ablege / so gar an den Fingern / an den Zehen / an den Kleinsten glidlen / will sagen so gar die venialia / welche das geistliche Bild deformiern / vor Gott scheutzlich machen / hinweck haw vnd buszwürcke.

W<sup>o</sup> büss-  
sen sey /  
vnd wo-  
her das  
wörtlein  
büssen  
sein an-  
fang ge-  
nommen.  
Die Jä-  
ger büss-  
sen.

Spricht ein einfeltiger / was ist büss-  
sen: antwort / dis wörtlein kompt her  
von den Fischern / vnd von andern so  
mit den netzen vnd garn umbgehn /  
wann die Fischer lang auff dem Meer  
oder sonst in einem wasser seind umb-  
gesfahren / ihr netz außgeworffen / vnd  
letztlich wann sie zum gestatt kommen /  
das netz zu sich ziehen / vnd sehen / daß  
das Netz hat bekommen löcher von  
hölzer / oder dz etwa ein fisch ein loch  
dardurch gemacht / als dann flicken sie  
die löcher zu / vnd das flicken heissen  
sie büssen. Wie auch die Jäger / wan-  
etwan ein Gewild sich im netz vñ garn  
hat außgewickelt / ein loch gemacht /  
alsdaū

alsdann so flicken vnd biessen sie es.  
Eben also hat es ein gestalt mit dem  
geistlichen biessen. Wann der Mensch  
durch die sünd sie hab ein namen wie  
sie wölle/ ein loch gemacht / das der  
Sünder das loch zumache / die sünd  
biesse / als der gewesen ein Bacchus/  
ein schwelger / tag vnnid nacht dem  
sauffen ergeben / der hat ein grossen  
riß gemacht / in seiner Seel/ hat ein  
tootsünd begangen / der soll den riß  
biessen mit der abstinentz mit der mes-  
sigkeite. Der dem geitz vnd wucher  
ausgewartet/nachgesischet / der hat  
in sein nez seiner Seel ein riß bekom-  
men/der muß diesünd büßen mit der  
freygebigkeit / mit der barmhertzig-  
keit. Der gewesen ist ein vnreiner / vñ  
die vnzucht als ein schädliche bestia/  
hat ihme das garn zerissen / der soll  
jetzunder als ein geistlicher Jäger das  
garn vnd nez biessen vnd aussbessern/  
mit der Keuschheit vnnid reinigkeit/  
vnd von solchem biessen vnd aussbess-  
sern sagt Paulus/ wie ihr geben habe  
ewreglider zur vngerechtigkeit / das  
ihs jetzunder gebt zur gerechtigkeit/  
wer gestolen hat/der stelle nit mehr/

C pes

wer gewesen ein fresser / vnreiner / geiziger / der begehe die laster nit mehr / der wechſle die laster ab mit tugenden / declina à malo & fac bonum. ſtehe ab von dem bößen / vnd verricht das gut / verlaß die ſünd / das laster / vnd vbe die tugenden. Und diſes h. Sacrament der buß / ſey geschenkt den Sündern zu einem glückſeligē newen Jar.

3.

**s.** Den Kranken vnd sterbenden Allen Menschen das h. Sacrament der Kranken letzten Oelung / ist andeut durch vnd sterbenden das wort namen / ist ſouil als die letzte Oelung. Christus vngesalbter.

Deduxit me super semitas iustitiae propter nomen suum.

**L**S sagt Job wol vnd recht / daß das Menschen lebon ſey ein Sterben streit vnd Krieg auf / Erden / militia est vita hominis super terram. Will albie allein verſtehn den Krieg / so ein jeder Christenmensch / von ſeiner geburt an / hat / mit dem Teuffel / von der Höllen / dann so bald der Mensch geborn / vnd dem Teuffel

sel abgesagt / vnd Gott angelobt / den  
articulbr. eß zu halten / den gebotten  
Gottes nachkommen / von stundan ist  
der Teuffel den getauften Kindlen /  
ausszegig / dahero dann die liebe Els-  
tern / ihnen dazumahlen keine andere  
waffen wissen zugeben / als dass sie es  
auff vnd nider / mit dem h. Creutz ge-  
segnet / oftmaln den weichbrunnen  
geben / Agnos Dei / vnd andere geweich-  
te sachen anhencen / damit der feind  
vertrieben vnd geschlagen werde.

Mann nachmaln das Kind kompt  
zu seiner vernunft vnd verstand /  
weist was gut vnd böß / wird ein  
Jüngling / würde manbar / so ist des  
Teuffels streit vnd Krieg noch hefti-  
ger / wie er doch den Menschen künde  
überkommen / da hat nachmalen ein  
solcher Christenmensch / kein andere  
waffen / als die Firmung / er hat die  
Beicht / er hat die Communion / das  
wort Gottes / das Gebet / vnd andere  
geistliche vbung / mit denen er den  
Teuffel kann schlagen / vnd überwin-  
den / ja wann der Mensch will gleich  
von der Welt vrlaub nemen / so setzt  
der Teuffel den Menschen noch mit auf /

C ij sondæ

sonder ist hefftiger als er je gewesen ist.

**Vnderschid  
dreyer  
leiblicher  
feind.**

Es ist ein grosser vnderschid / mit einem feind der außer der Statt ist / vnd mit einem feind der in der Statt ist / vnd mit einem feind / der schon albereit in dem hauß ist / da heist es alßdann / hic iabor, hic opus. Bis man den feind zum hauß hinauß bringt. Es ist wol ein gefährlich ding / das der feind ist vor der Statt / noch gefährlicher in der Statt / vnd am aller gefährlichsten / wann er im hauß ist / da muß man grosse behülff haben / von allerley bellicis instrumentis, das man ihn überwindt. Also / die liebe Kinder in der Jugend / haben also zu reden / an dem Teuffel einen feind / außer der Statt / den sie kündē schlagen mit dem weichbrunnen / mit dem 3. Creutz machen / mit dem gebett.

Nachmaln durch das ganz leben / ist der Teuffel als ein feind inn der Statt / da hat er kein ruhe / wie der 3. Petrus sagt / vnd allen Christen zuschreyt / daß sie auff den feind sehen / sobrij estore, & vigilate quia aduersarius vester diabolus tanquam leo rugiens circuit.

cuit quærens quem deuoret, cui resistite  
fortes in fide, da streiten die Christen/  
Mann vnd Weib/wider jhn mit den  
h. Sacramenten/wann letztlich aber  
der Christ von hinnen will scheiden/  
so ist der Teuffel vorhanden/ mit ans-  
derst als ein feind in dem hauß / da  
vermeint er nit anderst / er wölle ob-  
hand halten/sigen/vnd vberwinden/  
vnd damit er geschlagen werde/sihe/  
so ist verhanden/ das h. Sacrament  
der letzte Oelung/v ödem der h. Pro-  
phet David geweissagt/vn Christus zu  
sterzung des Menschen/ vnd vber-  
windung des Teuffels hat eingesetzt.<sup>Definitio  
Sacramē</sup>ti.

Daher die Kirch von dem Sacra-  
ment redt/das es ist ein Sacrament/  
darinn man durch das h. Oel vnd  
Christi wort/ die genad Gottes den  
Kranken zu wolfahriten der Seelen  
vnd etwan auch des Leibs gegeben  
wirdt. Vor zeiten/wann ihre zwēn  
mit einander wolten streiten / haben  
sie sich entblößt / den leib vnd arm/  
mit öl gesalbet / zu einem vortheil/  
das einer dem andern nit zukündt/  
vnd erwischen soll/das er muß fallen.  
Also/ weil nun die sterbenden zu sols

cher zeit seind in dem großen vnd ges  
fährlichsten Kampff mit dem Teuffel/  
vnd damit sie den überwinden / so  
werden sie vom Priester mit dem h.  
Oel vnd Chryslamb gesalbet / wirdt  
alles vernichtet mit schönen Gebe  
ten / da kan sich ein sterbender trösten.  
O Herr da kompt alles meiner Seele  
zu guttem / vmb deines namens wil  
len / vnd ob ich schon jegzunder wand  
le mitten im schatten des todes / fürcht  
ich doch kein unglück / kein unsfal/  
dann du bist bey mir / dein Ruhmen vñ  
stab / dein leyden / sterben tröstē mich.  
Warlich ein so schöner actus / den nie  
mand so wenig solle versauenen / als  
beichten vnd das h. Sacrament des  
Gronleichnams nemmen / vnd dis  
new Jar sey geschenkt allen  
Krancken vnd sterbenden  
Menschen.



4.

Allen Oberkeiten hoch vnd niedrstand / das hochwürdig Saerament desz zarten Fronleichnams Christi Jesu / ist bedeut durch das wort Tisch.

Parasti in conspectu meo MENSAM aduersus eos qui tribulant me,

**N**l einem grossen feldleger / ist auch meines erachten / wie dann name ihme also ist / dass aller fürneßste die prouiant / das man zuessen vñ zu leben habe / dann was wolten die Soldaten Künden aufrichten / mit ihren wehren vnd waffen / wern wol bekleidt / vnd hetten kein prouiant / müssten halt hunger sterben / vnd des feinds eigen werden. Und derhalben / damit ein jeder in der belegerung sein ampt Künde verrichten / wacht halte / sturm anlauffen / die mawren bes steigen / vnd darein schläge / so müssen sie krafft empfahē vō speiß vñ trank. Gleicher gestalt ist es nothwendig zu dem grossen feldleger / der ganze Christenheit / in der streitbaren Kirche / ein prouiant / ein speiß / vñ w3 für ein speiß / Cuij das

das h. Sacrament desz zarten Fronleichnams Jesu Christi / das Brot das von Himmel kommen/ welches allen Christen gibt sterck vnd krafft/wider alle feind. Ein grosser vnderschid ist es/mit der Prouiant mit dem Brot/ so man in das weltlich Kriegsleger führt/vnd mit dem Brot so die Kirch auffhelt/dann in das weltlich lager/ führt man ein Speiß/die auß der Erden kommt/ vñ in die streitbaren Kirchen/ bringt man ein speiß von Himmel herab/hic est panis, qui de cœlo descendit, von dem iurdischen Brot sterben die Menschen / aber wer diese speiß ißt/ daß h. Sacrament neust/ wirt leben in alle ewigkeit.Warlich der die Himmelspeiß nembt/das h. Sacrament desz zarten Fronleichnams würdiglich neust/ zu dem Tisch desz Herren würdig geht/ so heist es/wie David sagt/ parasti, du hast mir bereittet ein Tisch / wider alle die so mich verfolgen/vnnd wirdt alles durch die Priester verrichtet / dann das h. Sacrament/ ja der wahre Leib vnd Bluet unsers Herren Jesu Christi / der vnder den gestalten Brots vnd Weins/mie sampt

Ioan. 6.

samt seiner Seel vnd Gottheit/ wesentlich vnd vollkomlich / gegenwertsig da ist / alßbald ein ordenlicher gesweichter Priester Brot vn̄ wein auff <sup>Definitio</sup> Sacra-  
dē Altar wandlet vn̄ consecriert. Das menti.  
haben erfahren alle Christen/ vnd ers-  
fahrens noch geistliche vnd weltliche  
personen/die mit mancherley feinden  
vmbgeben/geistlichen vn̄ leiblichen/  
wann sie zum tisch desß Her:gangen/  
haben alle feind nichts an ihnen ver-  
mocht/müssen zu sport vnd schanden  
werden. Dann disē Speiß sterckt den  
Menschen/ das er kan streiten wider  
die welt/wider das fleisch/wider den  
Teuffel / in krafft desß h. Sacra-  
ments / kan ers schlagen vñnd über-  
winden / vñnd mit frölichem herzen  
ausschreyen: si Deus nobileum, quis con-  
tra nos, weil Gott bey mir ist / welcher  
Teuffel will wider mich sein / welcher  
böser feind solle mir schaden: Dann  
du hast mir bereittet ein Tisch wider  
alle die mich plagen vnd verfolgen.

Rom: 1.

Diß Hochheiligste Sacrament desß  
Altars / sey ein newes Jar / für alle  
weltliche Oberkeiten/ hoch vñnd ni-  
derstand/inbedencken/die Catholischs

C v Ritter,

auff das fest dess zarten Kronleichnam/den weltlichen/ grosse ehr anzehue/so neben dem Priester gehn/vn solches beleiten/vnd mit solchen wöllen anzeigen/das sie das h. Sacramant vor allen feinden wöllen defensdieren/beschützen vnd beschirmen.

Es helts mancher für ein grosse würdigkeit/vnd erfreudt sich dessen/wann er neben einem Kaiser König/vnd grossen Potentaten geht/der sterblich vnd ein Mensch ist/wie er/vnd ist wolein würdigkeit. Wies wil mehr soll sich ein Christliche Oberkeit erfreuen/dass sie geht/steht/vnd Enyet/neben einem König aller Königt/der vnsterblich vnd ewig ist:

Apoc. 17.

Rex Regum,& Dominus dominantium.



Allm

5.

Allen Jünglingen vnd Junck-  
fräwen zu einem neuen Jar / das h.  
Sacrament der Firmung / ist bedeut  
durch das Öl / darmit dir stün  
gesalbt wurde.

In pingua sti in oleo caput meum.

Jüng-  
ling vnd  
Jungk-  
fräwen  
die Fieß  
mung

**W**ann ein grosser Potentat wil-  
lens ist / ein Krieg zuführen / so  
ist das aller erst / das er Volk  
wirbt / durch seine Hauptleut / last in  
Stätt / Märckt / in Dörffer vmb/  
schlagen / welcher jetzunder will zie-  
hen / der kompt zum Hauptman / wir  
eingeschrieben / vñ empfacht das lauff-  
gelt / an end vnd ort da die musterung  
wirdt fürüber gehn.

Mann dann einer kompt auf den  
Musterplatz / so gibt man ihm als  
dann wehr vnd waffen / das er dar-  
mit kunde kriegen vnd streiten. Eben  
und mit anderst geht es in in der Ca-  
tholischen streitbarn Kirchen auf  
Erden / das gleich die getauftse Chris-  
tien / im Tauff werden einget-  
schrieben / zum geistlichen Krieg /  
widre

wider den Teuffel vnd allem seinem  
anhang / da empfahen sie das lauff-  
gelt / die genad Gottes / nachmalen  
wann sie etlich Jar erreicht / auff die  
musterung komēn / empfahen sie die  
geistliche waffen vnd wehren / welche  
ihnen werden geben in dem h. Sac-  
rament der Firmung / von dem Bis-  
choff / in dem er sagt : signo te signo  
crncis, & confirmo te chrismate salutis, in  
**Ecclesia.** nomine Patris, & Filij, & Spiritus sancti, ut  
replearis eodem spiritu sancto, & habeas  
vitam æternam. Ich zeichne dich mit  
dem zeichen des Creuzes / vnd bestet-  
tige dich mit dem Chrysam des heils/  
in dem Namens des Vatters / vnd  
des Sohns / vnd des h. Geists / das  
du erfüllt werdest eben mit dem geist/  
vnd habest das ewig leben. Welchen  
effect anzeigt die definitio, das die Fir-  
mung ist ein Sacrament / in welchem  
der getauftte Mensch / durch den hei-  
lichen Chrysam / vnd das Göttlich  
wort von dem h. Geist in gnaden ges-  
terckt wird / damit er seinen glauben  
standhaftig bekenne / vnd demselben  
desto fleissiger nachkom. Warlich di-  
se Firmung haben alle Menschen von  
nöthen,

nöthen / damit sie inn keiner verfolgung / vom glaubē weichen vñ absalen / wann es schon das lebē kostet solle.

Solches zeigt an der Bischoff / mit dem Creutz / so gemacht wirdt / an die stirn / vbi sedes est pudoris / das einer sich des Catholischen glaubens nit wölle schämen : das auch das Creutz ist ein rechts nota religionis / Ich setz es / seind beysamen 100. Personen auff einem platz / da ein jeder mit seinem nechsten negotia tractert / vnd das ein frembder vnder sie käme / der wurd nit wissen / welcher Catholisch were / wann er aber sicht / das diser vnd jener das 3. Creutz für sich macht / da hat er ein gewiß zeichen / das diser vnd jener ist Catholisch / sich seiner bekandtnuß nit schämpt / sonder vor meniglich machet / vnd souil sagen will / er sey ein Catholischer Christ.

Bey dem soll es nit bleiben / nit als sein seines glaubens sich nit schäme / auch wann er solt verfolgt werden / schmach vnd marrer / wegen des glaubens außstehn / von hertzen gern leyden / sein blut vergiessen / im wenigsten kein vngedult erzeigen / welches der

der Bischoff auch andeut / mit dem  
backenstreich / das er alle verfolgung/  
was ihme möcht ongethon werden/  
wegen dess glaubens / gern leiden / vnd  
darwider kein vngedult / in worten/  
in geberden vnd wercken erzeigen/  
vnd das kompt her auf würeckung  
dess h. Geists der gnaden. O Herr du  
machst me n Haupt faist mit d.

Die firmung haben auch alle Menschen  
zum besten / wider die hauptlaſter /  
ſonderlich junger leut / Jüngling  
vnd Jungfräwen / wollen ſie anders  
einmal mit Christo zur Hochzeit eim  
gehn / vnd i ausgeschloſſen werden.

**Wtsache** Ist ein frag per digressionem, was  
warumb doch die fünff chorrechtige Jung-  
ſen junc̄ fräwen haben verhindert / das ſie niſ  
fräwen auch mit den weisen ſeind eingangen/  
zur Hochſampt dem Bräutigam zu der Hoch-  
zeit mit zeit / warumben ſie ſich haben verſpät-  
**de Bräu-** tet / antwort durch ein gleichniff/  
tigam eingange wann ihre etlich vor einer Statt  
vnd die ſeind / auß einer ſchönen wifen / die  
chorrechte voller ſchöner blumen iſt / vñ die nachte  
te ſich willig nach anfallen / ſo geschicht off-  
verſpa- termalen / das diejenigen / vnd die ein-  
tet habe. ſtift haben in die Statt / vnd mit wöſ  
len

len verspert werden/die gedencken bey  
shten selber/wir wöllē vns die blume  
mit lassen auffhalte/machen sich auff/  
vnd kommen bey zeit hinein. Andere a-  
ber/denen die Blumen wölgesallen/  
seind einer jeden nachgangē/sich dar-  
mit belustiget/seind verspert worden.  
Also vnd mit anderst ist ergangen den  
weisen vnd vnweisen Jungfrawen/  
die weisen haben ein solches leben ges-  
föhrt/dz sie sich kein Creatur/in dieser  
welt lassen auffhalten/sein der s. no-  
den vnd laster müssig gangen. Die  
vnweisen aber/haben sich versaupt/  
das sie den schönen blumen nachgans-  
gen/sonderlich dreyen blumen/die ein  
hat gheissen je lenger je lieber/die an-  
der vergiß mein mit/die dritt>tag vñ  
nacht/das ist/sie seind behafft gewes-  
sen/mit drey hauptlaster / mit der  
hoffart / mit dem geitz/vnd vñ-  
keuschheit/von solchen die Schrifft  
meldung thut. Quoniam omne quod est  
in mundo concupiscentia carnis est, & con-  
cupiscentia oculorum, & superbia vitæ.

Wer disen blumen nachgeht/vnd has-  
ben will / der wirdt sich verspäten/

die

Ioan. 5.

**Bedeutung der drey blumen.** die thür zum Himmel wirdt vor ihme zugethon werden: Spricht einer was bedeut die blumen je lenger je lieber men.

**i.** den geiz amorem pecuniae, die vnordens liche liebe zu gelt vnd gut / dass man Je lens nicht kan erfült werden / das es heist: ger je lie, Quo plus potz, plus sitiuntur & aqua ber.

**2.** Was bedeut die Blum vergiss mein nit: ist hoffart / da der Mensch allenthalben will vor andern geehrt werden / dass man seiner nit soll vergessen / redt man mit ihme / das man der ehren titul bucken vnd biegens nit vergesse / Kompt man zur malzeit / das man mit dem ersten sitz / mit dem ersten fürlegen / mit dem ersten trunk / seiner nit vergesse / vnd also fortan.

**3.** Was bedeut tag vnd nacht / die vnu zucht / da der vntreine Mensch / solcher sind tag vnnid nacht nachgedenkt / dauon redt vnd handlet / vnd also sol

**March 15.** che Sünder / die sich in dergleichen Nescio Sünder auffhalten werden vom Himm vos. Ich mel / mit den fünff Männerischen Juncknit / wie fräwen aussgeschlossen / vnnid hören es muss müssen nescio vos, Ich kenne euch nit verstant Spricht einer / wie seind doch die wort den wer zuuerstehen: Kennt Gott nit den deu.

Sünder:

Sünden? Antwort / es ist ein red / als  
wie ein Vatter sage / zum vngerahnen  
Kind / Ich kenne dich nit / wie soll  
der Vatter das Kind nit kennen / hat  
ers doch erzeugt / hats oft auff dem  
arm vmbtragen / ghalse t vnd gküs-  
set / den Sohn in studijs verlegt / die  
Tochter aufgeheuret / wie soll er dan  
den Sohn vnd die Tochter nit kennen?  
Antwort / wegen des vbelhaltens.  
Also kennt Gott nit die vom Himmel  
aufgeschlossen seind / wegen der be-  
gangnen Sünden / die sie im leben vol-  
bracht haben. Wolan wider solche Nescio  
hauptlaster Künden Jüngling vnd vos, serd  
Jungfrawen streiten mit der gnadē sapiunt  
die sie empfangen in dem h. Sacra- phryges.  
ment der Firmung / mit der gnadē ar-  
beiten / & gratia eius in me vacua non fuit, 1. Cor. 15.  
wann sie mit solcher werden arbeiten /  
werden sie gewiss mit ihrem Bräutigam  
eingehn zur Hochzeit ewiger See-  
ligkeit. Das sey ein newe Jar  
schankung für Jüngling  
vnd Jungfrawen.

D Allen

6.

**A**llen Geistlichen das H. Sacrament der Priesterweyhung/wirdt  
bedeut durch den Kelch/den sie in der  
geistliche wandlung als Priester eleuiern  
die Pries vnd außheben.  
**A**llen geistliche die Pries  
sterweyhung. Et calix meus inebrians quam præclarus est.

**R**ossen gwalt haben weltliche  
Oberkeiten/hoch vnd nider  
Stands/von Gott empfangen  
die nit allein gewalt haben vber die  
leibliche gütter/wie sie mögen heissen/  
auch vber die leiber der Menschen/  
die sie tünden tödten vnd hinrichten/  
wie dann Christus sagt/zu allen  
rechtglaubigen/das man sie will ver-  
folgen/vnd alle marter anthun/we-  
gen dess glaubens/sollen sie denselbi-  
gen auß marter nit verlaugnen/sons-  
der ehe den tod vberstehn/Ihr solt  
nit fürchten die/so den Leib tödten/  
sonder den/der leib vnd Seel zugleich  
kan tödten/vnd in die Höll hinab  
werßen.

**G**roß ist der weltlichen Reyser/König/Für-  
sten vnd Herren/in diser welt haben/  
sey so groß als er/jimmer woll/vil  
grösser

grosser ist der gwalt / der geistlichen /  
 die von Gott gewalt empfangen / v<sup>o</sup> Noch  
 ber alle Seelen / der Menschen / ihre ist der  
 gwalt vbertrifft allen weltlichen geistlich  
 gwalt.

Vom gwalt der geistlichen / sagt  
 der h. Bernhardus / die er also ans  
 redt / nach Gott ist kein so grosser  
 gwalt auff Erden / als ewr gwalt /  
 super potestate vestra, & tam insigno pri- S. Berno  
 uilegio vestro stupet cælum, miratur terra hardus.  
 contremiscit diabolus abhorret infernus,  
 von keiner weltlichen Monarchia kan  
 solches geredt werden. Der Pries-  
 sterliche gwalt ist vber aller Potens-  
 tatengwalt in der Welt. Dann also  
 Matth : was ihr geistliche werdet los Match. 16.  
 sen auff Erden / soll auch im Himmel  
 gelost sein : Bey ihnen ist rationale  
 iudicij.

Der Priester gwalt erstreckt sich  
 auch vber die Höll / vnd das bezeugt  
 aber malen Mattheus : vnd dir Petre  
 willich geben die schlüssel des Reichs  
 der Himmel / vnd auff dich will ich  
 bauen mein Kirchen / vnd die Porten  
 der Höllen sollens nit künden vber-  
 gwältigen / sollens nit obsigen.

Idem.

D ii Der

Der Priester gwalt erstreckt sich auch vber das Fegewor / dann durch die h. Messen / den armen gholffen wirdt / das sie werden erledigt / vnnogen Himmel kommen / wie geschriben steht in dem buch der Machabeer / salubris est cogitatio darumben ist's ein gute meinung / daß man für die Todten bittet / das sie von sünden ledig vnnöß werden.

2. Mac. 12.

Der Priester gwalt erstreckt sich vber den Himmel / daß sie solchen Künden verschliessen vnd außsperren / wie die Kirch singt : *Qui cælum verbo clauditis serasque eius soluitis, nos à peccatis omnibus, soluite iussu quæsumus.* Ihr seyt diejenigen so mit einem wort den Himmel Künden verschliessen vnd außsperren.

Ecclesia.

Summa summarum / die Priester haben gewalt vber den leib vnd zarter Fronleichnam Christi / vnnod solches bezeugt Magister sententiarum, das die Priester haben empfangen ein vnenlichengwalt / also / das eben die macht vnd gewalt so erforderst ist worden / in erschaffung Himmels vnd der Erde / das solcher auch werde erforderst in der consecration, vber den Leib vnnod Blut

Blut Christi. Tanta virtus requiritur in  
panis transubstantiatione, quanta in mun-  
di creatione, daher recht vnd wol ge-  
nennit werden creatores creatoris.

Magister  
sententi-  
arum.

Was erfolge auff disen grossen ges-  
walt? Eben was da volgt auff den  
gewalt der weltlichen Potentaten/  
nemblich / ein mächtiger respectus,  
grosse würdigkeit / das man sich ges-  
gen ihnem bucket / sie ehret / sie fürch-  
tet. Eben also volgt auff den Priesters-  
lichen gewalt / die grosse vnd höchste  
Reuerenz / Dignität / die man ihnem  
zuerzeigen schuldig ist. Ego dixi Dij Psal. 8L.  
estis.

Der Keiser Maximus / wie er S. s. Marti-  
natum zur Tafel / neben andere <sup>nus.</sup>  
fürstliche Personen geladen / hat S.  
Martinus den ersten trunck / so man  
ihm fürgesetzt / seinem Caplon ges-  
brachte / anzuziegen die würdigkeit  
des Priesters.

Keiser Constantinus / der het die Constan-  
tinus ein  
geistlichen in solchem respect vnd ehr / rechter  
das er die mit wolte vrtheilen / vnd saß liebhas-  
get / wann ich ein Gott geweichten ber der  
solt betreten / vnd finden in einer off geisli-  
fentlichen sünd / wolt ich mein mantel chen.

D iii vber

über ihn ausbreiten / sein sünd bedecken / damit sie nit an tag käme / vnd gesehen werde ein grosse würdigkeit / ob dern sich die geistlichen wol künnen den erfrewen / vnd Gott darumben dankbar sein / wie auss der definition kan geschlossen werden. Die Priesters  
 liche oder geistliche weyhe ist ein Sacrament / dardurch ein geistlicher gewalt vnd sonderbare gnad den Priestern vnd andern Dienern der Kirche geben wirdt / das sie ihren dienst vnd geistlichen ämpter recht vnd wol versrichten mögen.

Definitio.

In ehre werden gehalten die genaden pſenning.

Wann ein Reyser / König / schenkt Gott einem vom Adel / ein gnaden pſennig / allen geistlichen darauff sein Abconterfet ist / wie für ein frerodt sich solcher / wie bringt er das genaden mit / vnd helt es für die grösste ehr. pſennig Vilnehi künden vnd sollen sich als geben. le Geistlichen erfrewen / so das h. Sacrament der Priesterweyhung empfangen / ist ein rechter himmlischer gnaden pſennig / da gleich auff einem theil vnd seitengesehen wirdt sein abconterfet / der zarte Gronleichnam Christi / der Kelch des Herren / Et calix meus / vnd geschriften steht : hoc facite in meam

meam commemorationem, vnd quorum remiseritis peccata remittuntur ei. vñnd Ioh. 50. auff dem andern theil oder seiten des genaden pfennings / qui vos audit, me audit, wer euch priester höret, vñnd ehret / der hört vnd ehit mich. Lue. 10.

Dergleichen gnaden pfennig hab kein Engel im Himmel empfangen / dʒ er künde Consecrern vnd absoluieren. Solchen gnadenpfennig hat er sessner lieben Mutter nit geben anzutragen / sonder den Priestern / dahero dann die ganz welt die geistlichen sols le Respectieren / Venerieren / vnd alle Reverenz erzeigen / vñnd also sey das H. Sacrament der Priesterweich / den geistlichen zu einem seligen Jar geschenkt.

## 7.

Den Eheleuten das H. Sacra-  
ment der Ehe / bedeut dʒ wort barmis-  
herzigkeit / dann die im Ehestand /  
seind am meisten der barmherzigkeit  
bedürffig. Et misericordia tua subse-  
quetur me omnibus diebus vita meæ vnd  
dein barmherzigkeit wirdt nachvöl-  
gen alle mein lebenlang / auff das ich  
mög bleiben im hauß des Herren lan-  
ge zeit. D iij Mo

<sup>70</sup>  
Den Ehe  
leuten dʒ  
H. Sac-  
rament,  
der Ehe

Wa die miseria trübsahl ist/ da hat man hoch vonnöthen der barmherzigkeit. Ist ein Stand/darinn trübsahl/Creutz vnd leyden voll auff ist/wirt es gewißlich der Ehestand sein/dann seind nit verhanden sechs/ oder funff/ oder vier/ oder drey/ oder zwey wasserkrieg/ mit trübsahl/ mit zähern angefült / so wirdt es auffs wenigst einer sein / Ja wa wirdt man finden solche Eheleut/ da auffs wenigst nit ein wasserkrug der trübsahl soll sein: & laudabimus eos?

Es ist vnd kan sein/ daß der Mann ist ein wasserkrug / voller trübsahl des Weibs/ das er solche sachen vbet/ so dem Weib trübsal vnd traurigkeit macht/ hergegen kan das Weib sein/ ein Wasserkrug / voller trübsal vnd Creutz des Manns / das sie auch nit thut was sie thun solt. Gesetzt: daß bey beyden Eheleuten / kein trübsal verhanden/ so seind doch etwa die Kinder also beschaffen/ das sie den Eltern volauff traurigkeit machen / dermassen/ daß sie ob ihrem bösen leben/ souil zäher vergieissen / ihnem offe mit sechs Krug gnug sein/ die sie mit weinen vnd

vnd heissen zähern anfüllen. Was haben dergleichen Eheleut bey solchen  
 trübsalen sich zugetrostet: der Arms-  
 herzigkeit vnd genad Gottes / dann  
 wann schon im Ehestand seind grosse  
 trübsahl / vnd Creutz / das es seind  
 Creuzherrn / Creutzfrawen / Creutz-  
 kinder / seind de familia tribulationis &  
 crucis. so haben sie doch ein grossen tro-  
 ster an Christo dem Herin / der auf  
 Wasser kan Wein machen / genad ges-  
 ben wie die beschreibung des h. Sa-  
 craments bezeugt / also lautende: Die Sacra-  
 Ehe ist ein Sacramet / durch welches <sup>Definitio-</sup>  
 menti.  
 zwe ledige Christliche vnuersprochne  
 personen Mann vnd Weib zusammen  
 verheyraten / darzu ihnen Gott durch  
 diß Sacrament genad gibt / das sie in  
 ihrem Ehelichen Stand bis in todt  
 Gottselig verharren / vnd ihre Kin-  
 der Christlich außerziehen. Seind  
 schon sechs Krüg mit wasser verhan-  
 den / welche andeuten vil trübsalen /  
 souil will auch der Herr hinweck nem-  
 men. Noch mehr / wie die Krüg seind  
 voll gewesen / usque ad summum / bis o-  
 ben an / bedeut souil / daß auch der  
 Herr in der höchste vnd grōste noth /  
Ioan. 2.

D v bey

bey den Eheleuten mit seiner gnad  
will verhanden sein / ist die noth vnd  
das Creutz groß / so wirt gewiß auch  
die hilff vnd beystand groß sein / seind  
sie in gedult filij crucis, Creutzkinder / so  
werden sie dort filij lucis, Himmelkinder /  
die barnhertzigkeit wirdt inen nach-  
volgen / all ih: lebenlang / das sie wer-  
den bleiben im hauß des Herzen lan-  
ge zeit / das ist / in alle ewigkeit Amen.  
Gloria Patri, & Filio, & Spiritui sancto:  
sicut erat in principio : & nunc & semper,  
& in sæcula sæculorum Amen - }



Ende der newen Jar schankun-  
gen / als / der siben heiligen Sacra-  
menten. Volgt zum bschluß auf das  
newo Jar ein nutzlichs Morale, das  
wir auff alle fest des Todes in  
gedenk sollen  
sein.

Morale

**Morale: Vom Todt auff  
das Nieve Jar: memorare nouissima  
tua: Eccles. 7.**

**E**in Fest ist in dem ganzen Jar / so man mit frolocken in der Kirchen Celebriert / vnd Hochfeyrlich helt / es wirdt auch das neben eingemischt / die gedächtnuß des Todts.

Wann man hochfeyrlich die herlichen Osterdag  
chren Vorständ Christi / den Osterdag  
Celebriert / vnd mit freuden singt /  
Christ ist erstanden / von seiner mar-  
ter allen / dess sollen wir alle fro sein /  
Christ soll vnser trost sein / Alleluia.  
Wer er nit erstanden / so wer die Welt  
zergangen / ic. vnd daß nachmalen als  
le Catholischen / das gweicht über  
Eisch essen / sagt bißweilen einer zum  
ändern / Ach / welcher wird noch' elna  
maldie Ostern erleben / ist also ein ges-  
dächtnuß dess Todts.

Auff das Fest der Außart Christi / Außart  
der außeigner macht vnd gwalt / Christi.  
die Himmel durchrungen / sich  
gesetzt zur rechten seines Himmelischen  
Vatters / vnd das einer den  
tag

tag zubringt / inn einer geistlichen Speculation, sagt oder gedenkt er bey sich selbst / Ach / heut ist es ein Jar/ das mein Vatter seliger gestorben/ dem Gott ein fröliche auferstehung verleihe/ ist ein gedächtniß des todts.

psingst/  
tag.

Am 3. fest der Pfingsten/das man mit frölichen stimēn vnd seuffzen zum 3. Geistrüfft/Veni sancte spiritus, oder veni creator. Ach/spricht oder gedenkt einer/es jārt sich eben auff heut / das mein liebe Mutter vmb. vhr in Gott verschiden / dern Seeln Gott gnedig vnd barmherzig sey / ist ein gedächtniß des todts.

Zarte  
Frölich-  
nams  
fest.

Wann man das Fest des zarten Fronleichnams mit grosser Solemnität/die ganz Octau peragiert, mit freuden singt / Lauda Sion: Ach/ auff das heutig Fest ist in Gott verschiden die vnd jene geistliche hoche person / der Bischoff/ ic. dem sey Gott gnedig/ ist ein gedächtniß des todts.

Himel-  
fahrt  
Marie.

Auff das Fest der vbergebenedeyten Mutter Gottes Himelfahrt/ die mit leib vnd Seel gehn Himmel gefasren/von ihrem lieben Sohn vnd ganzem himlischen Heer beleitet worden/ sagt

sagt einer / Ach / jetzt ist es drey Jar / das eben auff den tag / der Fürst dieses Landes in Gott verschiden / ist ein gedächtnuß dess todts.

Wann irgent die Christen zusammen <sup>Kirch.</sup>  
kommen / auff das fest einer Kirch <sup>weyhüg.</sup>  
weich, erzehlen sie etwa/wie einer auff  
solchen tag / im heim gehn / in ein ges-  
fecht gerahten / vnd darinn vmb <sup>Kom-</sup>  
men / oder nach langem discurircn /  
wann man von einander vrlaub will  
nehmen / einander gesegnen / Ach / wer  
weist / ob wir das Jar widerumben  
ein Kirchtag werden erleben / ist ein  
gedächtnuß dess todts.

Zu den frölichen Weyhnächten / Geburt  
auff das fest der Geburt Christi / so Christi.  
man mit freuden Celebriert / vnd  
singt / wer vns das Kindlein mit ges-  
born / so wern wir all zumal verlohn.  
Ach / wa werden wir dem leib / vnd  
der Seelen nach sein / vber ein Jar / et-  
wa dem leib nach in dem grab / vnd ob  
Gott will / der Seel nach / inn dem  
Himmel / ist ein gedächtnuß dess todts.

Wann man dann auff alle festtag <sup>newes</sup>  
des Jars / die man mit Jubel Cele-  
briert / auch der sterbligkeit des <sup>Jar.</sup>  
Menschen

schen gedenckt: So wirt es auch recht  
sein/das der heutig frölich newe Jar  
tag/da wir singen / Gelobet seystu  
Herr Jesu Christ/das du Mensch ges-  
born bist / von einer Jungfraw rein  
vnd zart : gleichfals die frewd mit der  
gedächtnuß des Todts werde tempe-  
riert / das man sich des Todts erins-  
nert: Ach/ welcher wirdt in dem ein-  
gehenden Jar sterben : vielleicht / der  
heut die neue Jarschancung auß-  
theilt / in der behausung / oder der  
Prediger in der Kirchen/ wirdt auch  
in dem Jar dahin gehn / oder der sie  
empfangen/wirdt der letzte sein. Vnd  
also ist kein fest so groß / welches mit  
frölichkeit wirdt Celebriert/ es erinnert  
sich einer daran des Todts / welche  
gedächtnuß gar vil guts bey einem  
Christen kan anrichten/das einer wirt  
ein newes Gottselig leben anfangen/  
vnd darinn verharren. Memorare  
ergo nouissima tua: & in æter-  
num non peccabis.

E N D E.



Benedices corona anni  
benignitatis tuæ: Et campi  
tui replebuntur ubertate.  
Du wirst den Segen reichlich  
geben rings vmb dem Jar dei-  
ner gütigkeit: vnd deine Felder  
sollen erfült werden mit frucht-  
barkeit: Amen das gebe Gott/  
vnd werde wahr.

Et sic est finis: sit laus &  
gloria Trinis.



Getruckt zu Augspurg / bey  
Christoff Mang / auff vnser  
lieben Frauwen Thor.

1617.

